

to laudatus Doctor poterat asserere: *Qui in statu nudae naturae vult animum facere beatum ea beatitudine cuius in tali statu capax est, non debet eum relegare ad corpus.* [1].

Ex eo autem quod in statu mere naturali, quod nuper dictum est, melius foret animam corpore destitui, si inferas, ergo unio cum corpore cederet in damnum animae, utpote beatitudinis adeptionem retardans; nullaque haberetur ratio, cur primo ab auctore naturae fuerit sociata corpori: negabimus sequelam. Etenim spectato etiam ordine naturali beatitudinem non expetimus, nisi ut mercedem bonorum operum: debebat igitur anima in praesenti vita tamquam in via virtutibus operam impendere, seque perficere; ad quod mirifice confert unio cum corpore. Nam affectiones modestae, aliaque incommoda et ipsa animi subjectio ac dependentia a corpore, innumeris virtutis, quae rebus in arduis praesertim elucescit, exercendae occasiones praebent. Est itaque in utilitatem ipsius animae ejus unio cum corpore: et auctor naturae habuit rationem eam corpori sociandi. Adsunt autem et aliae hujus unionis rationes 1^a. ut admirabile hoc compositum humanum seu natura ex duplice toto genere diversa substantia coalescens, ordinis physici ornamentum, haberetur in mundo. 2^a. ut generis humani propagatio fieret naturali modo. 3^a. ut inferiores animi facultates complemento accepto frustraneae non forent (2).

CAPUT II.

DE ACTIBUS HUMANIS GENERICE SPECTATIS.

22. De actibus humanis per quos ad finem nostrum opportunitis adhibitis adjumentis dirigimur generice disserentes, monemus in primis *humanos actus* illos esse et dici, qui sunt proprii hominis, in quantum est homo. Jam vero, ut loquitur S. Thomas [3]: «Differt homo ab irrationalibus creaturis in hoc quod est suorum actuum dominus. Unde illae solae actiones vocantur propriae *humanae*, quarum

[1] Lessius, loco proxime indicato.

(2) Quomodo facultates animae inferiores frustraneae fuissent si anima nunquam corpori jungeretur, vide si luet *Psychologiae* c. 2. n. 37. in fine et in *nota* ibidem posita.

(3) *Summae theolog. 1. 2. part. quaest. 1. artic. 1. in corpor.*

«homo est dominus. Est autem homo dominus suorum actuum per rationem et voluntatem..... Illae ergo actiones propriae *humanae* dicuntur, quae ex voluntate deliberata procedunt: si quae autem aliae actiones homini convenient, possunt dici quidem *hominis actiones*, sed non proprie *humanae* cum non sint hominis, in quantum est homo.» At quia actus humani spectari possunt, vel quatenus fiunt seu elicuntur a voluntate deliberata, et in ipsa sistunt ac consummantur, et vocantur *actus eliciti*, vel quatenus ex imperio rationis et voluntatis ab aliis animae facultatibus diminant vel etiā ad extra prodeunt, et dicuntur *imperati*: philosophia moralis illos praecipue considerandos assumit. Quidquid enim formalis moralitatis actibus *imperatis* competit, id totum ab actibus *elicitis* dimanat.

De his porro generatiū tria possunt inquiri, eorum scilicet *natura*, *imputabilitas* et *moralitas*, advertendo interim perspicuitatis gratia, quod cum ad constituendos actus humanos, ut patet, voluntas et ratio simul concurrant, cumque ratio et voluntas se se invicem movere vel determinare dicantur, hoc non perinde esse intelligendum, quasi haec duae facultates essent duo principia operationum distincta et diversa: sunt namque idem unus animus intrinsece actibus qui utraque simul, vel alterutra tantum facultate in prosecutione objectorum utitur; ipsumque hoc movere vel determinare indicat dumtaxat ordinem quo actus unius facultatis debet necessario praecedere vel comitare actum alterius: secus subjici vel imperare invicem aliquid absurditatis contineret. Atque haec dicta de dependentia actuum unius facultatis ab actibus alterius, liberos nos reduunt a quaestionibus circa agendi modum et imperium mutuum voluntatis et intellectus, quod imperium non esset certe dicendum absolutum seu *despoticum* sed *politicum* tantum, cui scilicet reluctari licet. [4]

(4) Utrum intellectus voluntati an vero haec illi imperet, parum interest determinare, cum hoc et a diversa voce *impero* acceptio dependeat, et sub diverso respectu consideratum forte utrumque possit dici verum. Voluntas porro hoc imperium exercit in intellectum, quotiescumque in rebus non immediate evidenteribus, (immediate enim evidētia intellectum necessitant) dictamen, ut ajunt, sive praevium judicium aut representationem, mutamus in aliud diversum vel etiam oppositum, propter diversam vel oppositam voluntatis propensionem sive affectionem ad aliquod objectum; quae immutatio dictaminis sive lucta voluntatis

ARTICULUS I.

DE ACTUUM HUMANORUM NATURA.

23. Ad naturam actuum humanorum quatenus a ratione simul et voluntate diminant, sive tandem circa finem ut *volitio*, *intentio*, et *fruitio*, sive circa media ut *assensus*, *electio* et *usus*, versentur, pertinet praesertim id unde voluntarii et liberi dicuntur. Spontaneum a voluntario et hoc a libero distinguere ex metaphysica (1) notum supponimus. Nos hic de natura voluntarii, praescindendo non tamen excludendo ab ipso rationem liberi, sicut communiter fieri solet, loquemur; idque ipsa rei natura permittit; nam voluntarium, seu illud quod procedit a principio *intrinseco* (scilicet voluntate) *efficiente* et *determinante cum cognitione finis*, sumtum etiam *causaliter* et *pro voluntario perfecto*, id est *dimanatio actus a voluntatis propensione cum plena rationis advertentia*, non involvit dominium seu *indifferentiam* potentiae ad actus positionem vel omisionem, quod libertatem constituit, et de quo sufficiet diligenter inspicere quae fusius dicuntur in Psychologia. (2)

Porro voluntarium sic definitum, ut rei natura et communis hujus vocis significatio postulat, manifeste differt a mere spontaneo, et a primis motibus appetitus naturalis, qui actus non supponunt reflexionem et finis saltem distinctam cognitionem, quamvis a principio *intrinseco* proficiantur. Differt similiter ab actibus puerorum ante usum rationis et brutorum, qui nisi *improprio*, et latiori sensu voluntarii a quibusdam dicuntur; unde etiam patet ratio discriminis quod in

tis contra intellectum, si fiat quando dictamen est rectum voluntas inordinate operatur, idque facit per nefas; quod si dictamen intellectus esset erroneum aut rationabiliter dubium, tunc voluntas ordinatissime ageret illud resundo, circa hoc novam motivorum inquisitionem imperando. Atque ita contra intellectum luctari voluntas non solum potest sed et debet, haud secus quam in temerariis judiciis tenetur cohibere intellectum ne propter apparentes dumtaxat sibi insufficientes ac inanes rationes apprehendat convenientiam vel non convenientiam idearum ubi revera non datur, in opinabilibus vero valet eundem inclinare ut acquiescat rationibus quae merentur attentionem viri prudentis.

(1) *Psychologiae* cap. 3. artic. 6. n. 86 et 91.

[2] Ibidem artic. 6. n. 90. et sec. artic. 7. per totum.

voluntarii definitione solet reperiri (1). Patent etiam sequentes voluntarii divisiones; 1.^o voluntarii *perfecti*, et *imperfecti* seu *improprie* dicti, nisi voluntarium *imperfectum* sumas dumtaxat relate ad quandam mirus absolutam voluntatis inclinationem, vel ad pauciores quosdam reflexionis et attentionis gradus. 2.^o *Causaliter* seu *active*, et *objective*, id est pro ipsa re seu objecto volito accepti. 3.^o *Eliciti*, et *imperati*. Tandem considerandum est perattente voluntarium *in se* seu *directum* et *in causa* seu *indirectum*: illud habetur in iis ad quae voluntas per se immediate terminatur; hoc autem dum voluntas terminatur immediate ad aliquid, in quo virtualiter vel moraliter continetur id quod dicitur voluntarium *in causa* seu *in aliо*; sic aegritudo dicitur et est voluntaria *in causa*, id est in immediata appetitione cibi illius, quem quis sumpsit cognitum ut sanitati contrarium.

24. Utrum vero detur voluntarium *indirectum*, quod sit *in se* volitum, seu in quod voluntas influat; sed influxus iste consistat in mera omissione, vel carentia actus voluntatis, non quaerimus; quia hoc respicit magis libertatem actus quam actum mere voluntarium, et potius dici debet *non voluntarium* quam voluntarium *indirectum*, qualis foret mors proximi ex defectu alimenti, respectu alieujus non habentis quo illi subveniat, nisi se ipsum in simile periculum mortis conjiciat. Et sane in casu allato ille cui diceretur mors ista proximi *negative*, et indirecte voluntaria, aut supponitur se determinare ad volendum, nolendum, vel cohibendum se ab utroque; aut cognoscens omnia rei adjuncta remanet in *mera potentia* ad volendum, nolendum, et se cohibendum. In primo casu, cum etiam cohibitio sui a volendo sit velle, haberetur quidem actus positivus velut influens in talem affectionem, sed quia ad nihil eorum tenetur (si enim ad aliquid te-

(1) Qui voluntarium a mere spontaneo non distinguunt, hi ad ejus naturam et definitionem nihil aliud requirunt, nisi ut aliqua actio procedat a principio *intrinseco*; unde consequens esset, neandum actus amentium, dormientium etc. sed etiam brutorum voluntarius esse. Qui vero voluntarium pro eodem ac liberum habent isti ad ejus definitionem postulant, ut procedat ab *indifferentia* sive *dominio* voluntatis in suos actus; quo sensu sive confusione similiter supposita, tendentia voluntatis in bonum in genere, et amor beatorum erga Deum, non essent nec possent dici actus voluntarii, quamvis cum plena finis cognitione et voluntatis propensione exerantur.

néretur quaestio jam esset non de actu simpliciter voluntario, verum de libero), hujusmodi voluntatis actus relate ad hunc effectum idem sunt ac si non essent: in altero vero casu ex defectu omnis propensionis voluntatis respectu secuturae mortis, haec deberet potius dici *non voluntaria*, quales sunt e. g. effectus permissivi relate ad Deum.

Ut autem illud quod dicitur tantum *in causa* voluntarium sit revera tale id est voluntati tamquam principio a quo pendeat tribui queat tres requiruntur conditions; *prima*, ut cum illo quod est immediate ac *in se* volitum aliqua ratione nectatur, et fluat ab ipso: *secunda*, ut talis utriusque connexio ac dependentia praevideatur, vel saltem potuerit facile praevideri ab eo qui operatur, propter generalem rationem *nihil esse volitum quin praeognitum*: *tertia*, ut operans teneatur non velle *unum* ex quo sequitur aliud. Haec tamen tertia conditio licet sit semper necessaria ad actum voluntarium simulque liberum, et praesertim ad meritum vel demeritum imputabilem; non videtur aequa necessaria ad actum mere voluntarium; quando enim ex illo quod immediate ac *in se* est volitum, aliquid aliud sequitur *necessario*, et *vi* praeccise ipsius actionis: jam tunc generaliter verum erit, *qui vult causam vult etiam effectum sufficienter cognitum*. Quod si per *accidens* tantum et non ex *vi* ipsius actionis aliquid sequatur, licet infallibiliter secuturum praevideatur, ut voluntarium in causa dici possit debet locum habere conditio *tertia*, ut scilicet *vi* obligationis cognitae ipse actualis inactivitatis status non sit amplius agenti indifferens, et per consequens indirecete saltem *voluntarius*, quatenus nempe liberum supponit voluntarium.

25. Sicut spontaneo violentum, seu id *quod fit ab extrinseco nullam vim conferente passo*, quin etiam contra ejus naturalem tendentiam; ita voluntario opponitur *coactum* et *involuntarium* (1), seu illud quod alteruti e duabus actus voluntarii constitutivis adversatur; nam *necessi-*

(1) Latius patet *involuntarium* quam *coactum*, hoc enim ex ipso sui conceptu deberet tantum constitui si activa facultas per vim quamdam adigeretur ad aliquem actum (sive tandem hoc fieret simul contra naturalem ejus tendentiam sive non unde differ a *violentio*) ponendum; illud vero habebitur undecumque tandem proveniat quod aliquid fiat contra positivum voluntatis renisum. Hinc sicut omne violentum est coactum, sed non vice-versa; ita omne quidem coactum est involuntarium, sed non omne involuntarium est coactum.

tas per se tantum cum *libero* consistere nequit. Porro primo constitutivo voluntarii, scilicet inclinatione seu propensioni voluntatis ad actum praecipue adversatur extrinseca *vis* et *metus*; advertentia vero rationis ad finem, objectum et circumstantias actionis, seu alteri actus voluntarii constitutivo, opponitur *ignorantia* et *concupiscentia*. Et in primis advertendo, quod cum duas primae praesertim causae involuntarii non aliter in illud influant nisi movendo aut physice aut moraliter voluntatem ad actum, qui vel *simpliciter* vel *secundum quid* ejus tendentiae seu inclinationi adversatur; quodque ut actus sit involuntarius non sufficiat voluntatem respectu ejus se negative habere, sed requiratur ut fiat ipsa positive quodam modo (1) renitente: jam veluti per se patet, voluntatem *quoad actus elicitos, a nulla vi extrinseca cogi posse*.

Hoc itaque pro enunciatione propositionis supponimus, et sic probamus. Actus elicitus utpote ex *sui natura* ab intrinseco dimanans fit secundum voluntatis inclinationem; si fieret coactus foret contra ejusdem inclinationem, idem igitur simul esset et non esset. Deinde *vis* quaelibet coactionem inferens, vel faceret voluntatem intrinsecate nolle aut velle dum *simpliciter* non est ad aliquid determinata; et tunc non fieret actus coactus et involuntarius, sed status mere negativi in positivum mutatio, id est transitus potentiae in actum, qui actus hoc ipso quod non esset aliud quam voluntas volens, foret jam voluntarius; vel voluntatem ad aliquid actu et positive determinatam ad ejus oppositum efficaciter infleteret, idque aut sublata prorsus priori determinatione, aut in eodem statu relicta oppositam superinducendo: si primum ex his duobus supponatur, jam idem recurrit quod modo ad primum disjunctionis membrum diximus; si alterum, tunc talis determinatio utpote vitalis et adhuc elicitus voluntatis actus quamvis distinctus et diversus a primo, fieret juxta presentem voluntatis inclinationem eamque constitueret, ideoque foret quid *simpliciter* voluntarium, licet forte, ratione nempe praecedentis adhuc actu permanentis vel habi-

(1) Modus iste duplex est, scilicet *explicite* vel *implicite*, hoc secundum haberetur si voluntas supponatur ita comparata esse, ut nunquam prosequeretur tale aliquid objectum cognitis adjunctis et conditionibus quibusdam, sicut accidit, uti inferiorius videbimus, in casu cuiusdam ignorantiae.

tualis ad oppositum determinationis, posset dici secundum quid tantum involuntarium.

26. Hinc si quis opponeret, Deum saltem potentissima sua virtute posse actus voluntatis elicitos efficere coactos; scilicet vel infundendo voluntati ipsa nihil agente talam actum; vel faciendo ut aliquid nolens, durante etiam ac nolitioni velet, ut nempe amet e. g. Petrum, quem odio actu prosequitur; respondebis negando antecedens, quod probationes non evicunt: et aliunde certissimum est Deum non posse efficere quod ex ipsa rei natura repugnat, ut ese actus ab intrinseca voluntatis activitate dimanans, simulque ei a vi extrinseca impressus. Demus praeterea conceptum *actus* potentia intrinsece activae ab extrinseco *infusi* absolute non repugnare, tamen quia actus talis voluntati infusus eam constitueret volentem, dici quidem posset et revera esset eidem necessarius, minime autem involuntarius et coactus.

Ad id quod secundo loco asseritur, praeter posteriorem rationem fundamenti, ex qua sequitur affectionem dictam amoris, mutare in casu voluntatis inclinationem, eamque necessitare, non autem eidem *simpliter* et *absolute* involuntariam esse, negari quoque potest supposita duratio seu permanentiae oppositae ac contrariae nolitionis. Etenim, cum *absoluto* volitionis *actu* nequit simul consistere ejusdem actus *absoluta nolito*, non quidem ratione intrinsecæ ac immediatae, sed objectivæ et modalis, contradictionis (1). Certum namque est potentiae ad intra agentis in *actu elicto* quatenus est talis, ipsum actum esse *objectum et terminum* operationis *adæquatum*, cum ipsa potentia seu facultate realiter identificatum, ipsamque ad talem existendi modum determinatam, posito itaque uno tali actu, tollitur objectum alterius actus oppositi, et ita repugnat potentiam seu facultatem ad talem opposi-

(1) Intrinseca ac immediata contradictio adesset, si actus e. g. velle non velle, et, nolle utpote in suo conceptu oppositi, ratione hujus oppositionis mutuo se excluderent ab animo, quod certe non subsistit, cum tales actus sint simplicissimæ animi modificationes, earamque oppositio numquam cadit in idem de codem ac sub eodem respectu; oppositio itaque quam eruimus se tenet ex parte talis actus utpote eliciti considerati tamquam intrinsecum objectum suimetipsius, et ex parte modi agendi ac existendi quem in tali operatione subjectum agens seu animus acquirit.

tum actum terminari, priori non remoto, sicut repugnat ipsum e. g. *absolutum velle* quatenus *tales*, posse unquam simul evadere *absolutum nolle*.

Potest id ipsum confirmari paritati desumpta ab intellectu, qui posita apprehensione unius propositionis contrariae ut verae, nequit simul etiam actu distinctio a primo, sicut hanc judicare falsam, ita et ejus opositam veram, non quod desit in animo virtus ad duo vel plura judicia, etiam de rebus oppositis simultanea ponenda, sed quia datis et cognitis motivis pro veritate propositionis e. g. *omnis europaeus est albus*, sicut desunt motiva et objectum pro apprehendenda falsitate ejusdem, ita hoc ipso debet necessario deesse motiva et objectum pro simultanea propositionis contrariae, scilicet, *nullus europaeus est albus*, veritate. Unde parum proficeres dicendo ulterius, intellectum approbando falsum pro vero, voluntatem peccando, ponere actus naturali inclinationi verum ac bonum contrarios; siquidem et intellectus per se non approbat falsum pro vero nisi aliqua specie veri illuminatur, et voluntas non vult peccatum nisi sub aliqua ratione boni; actus igitur isti sunt secundum generalem harum facultatem inclinationem in verum ac bonum, ideoque nec violenti, nec coacti.

27. Non est autem idem judicium ferendum de *imperatis* nostræ voluntatis actibus, hi enim cum ab imperio dumtaxat voluntatis atque extrinsecæ et denominative rationem voluntarii habeant, efficienterque ac in se ab aliis facultatibus diminant, possunt esse revera involuntarii et coacti. Etenim pleraque facultates voluntatis imperio naturaliter subjectae, vel per applicationem proprii earum objecti, vel per immediatam exitationem potentiae materialis, (ut accidit in vitalibus corporis nostri motibus) possunt cieri ad actus suos renitente etiam voluntate in oppositum; sic et in intellectu aliqua cogitatio, et in imaginatione aliquod phantasma quandoque perdurat, et corporis nostri membrum potest a vi extrinseca ad aliquid ferendum determinari etc. Hi itaque aut similes actus contra voluntatis actualem inclinationem in nolis existentes vel circa nos producti sunt proprie involuntarii: magis tamen vel minus involuntarii erunt dicendi, pro majori vel minori voluntatis *oppositione*, a qua praecipue determinationem ac rationem involuntarii derivant.

Neque dicas, plerosque horum actuum cieri a potentis intrinsecæ ac vitaliter activis, e. g. imaginationem, sensibilitate etc. fiant igitur juxta earum naturalem inclinationem,

ac proinde voluntarie. Deinde, si aliunde quam ab imperio voluntatis dimanant, non erunt amplius actus *imperati*. E-nim vero ex eo quod aliqui horum actuum proveniant ab intrinseca facultatum activitate vel secundum earum particularem inclinationem producantur, non erunt quidem violenti aut coacti relate ad has particulares potentias, sed relate ad inclinationem communis principii, quale in hincine est voluntas, qua renitente fieri supponuntur, erunt prorsus involuntarii. Quia porro per extrinsecam talium actuum determinationem, vel qui jam fuerunt a voluntate imperati, ipsa renitente nihilominus impediuntur, vel quos vellet hic et nunc imperare aut compescere, irrito conatu minime valet, patet eos ut tales, *actu*, aut *potentia* ad naturale voluntatis imperium spectare, quatenus nempe producuntur in potentias seu facultatibus imperio voluntatis naturaliter subjectis, et quatenus supponuntur fieri contra actualem ac positivum voluntatis renisum.

28. Metus, seu *animi trepidatio orta ab imminentि aliquo periculo damni*, solet spectari tamquam moralis causa propensioni voluntatis in suos actus opposita, quando nempe voluntas *ex tali metu tamquam motivo*, hanc p[ro]ae aliis determinationem sequitur, dum e. g. mercator orta tempestate ex metu amittendae vitae projicit merces in mare; quod profecto differt ab actione facta simpliciter *cum metu*, quae potius intensitatem voluntarii commendat, e. g. in fure qui, licet metuat ne capiatur et poena afficiatur nihilominus alienas res aufert. Metus etiam *gravis*, qui scilicet *in virum quoque constantem cadere potest*, rationem voluntarii simpliciter perfecti minime tollit, quamvis illud quodam modo minuat, quatenus nempe et spectata generali animi dispositione voluntas talem determinationem non sequeretur, et praecipue quia hic atque nunc occasione metus cum quadam renitentia ac ve-lut invita operatur; unde etiam hujusmodi actus a quibusdam vocatur *ex voluntario*, et *involuntario mixti*.

Facile autem assertio haec nostra suadetur; nam in primis ad rationem voluntarii perfecti sufficit ut ab extrinseco principio scilicet voluntate, procedat praelucente cognitione finis, at quae ex metu fiunt talia sunt: metus enim, de quo sermo, relinquit hominem sui compotem; animus de facto, ut patet in allato superius exemplo, ex propensione sua voluntatis, perpensis beneadjunctis, se determinat ad mercium jacturam, et vi hujus determinationis potentiam extrinsecam, ad exequendam projectionem actu applicat: quod evidentissimum

est signum absolutae et efficacis voluntatis, ergo talis actus etc. Deinde sicut observat S. Thomas (1), unumquodque simpliciter esse dicitur, secundum quod est in actu, judicium nempe de re aliqua in particulari ferendum esse juxta particularem ejus existendi modum; jam vero actus ex metu positus est revera volitus et quidem efficaciter a voluntate hic et nunc tamquam medium ad declinandum aliud malum; ergo sicuti est talis actus hic et nunc, est proprie ac simpliciter voluntarius.

29. Dices. In ea quae ex metu volumus ita fertur voluntas, ut ea non vellet cessante metu; ea non delectant, sed potius moerore animum afficiunt. Pactiones quaedam vel promissiones ex metu initae, irritae ac nullae censemur; et illum, qui aliquid ex metu egit, licet istud fuerit turpe, dignum commiseratione ac venia judicamus.

R. Ad 1^m, ista dispositio voluntatis est tantum inefficax et secundum hypotheticam apprehensionem, quae non tollit efficacem et absolutam tendentiam voluntatis in actum de quo loquimur: oritur praeterea non ex actione propter metum, quae potest haberi ratione sui absque tali conditionata dispositione (2) sed ex amore v. g. mercium quae pereunt, quaeque possent honeste retineri ac servari remoto periculo amissionis vitae: unde etiam tales actus non delectant mentem, sed moerore afficiunt, non autem quasi non essent voluntarii.

Ad 2^m. Pactiones vel contractus quidam facti ex metu ab extrinseco et *injuste* incusso pro non factis habentur, non quasi ita initi ex sui natura involuntarii forent, sed vel propter legem positivam, quae ad bonum commune et fraudem declinandam dirigitur: vel propter aequitatem naturalem, ne scilicet, latro e. g. promissionem vel pactionem pecuniae solvendae metu extorquens, ex injusta actione fructum percipiat; nemini enim iniquitas suffragari debet (3).

(1) *Suum. theolog. part. 1. 2. quaest. 6. artic. 6.*

(2) Quando quis hic et nunc se cohibet propter metum ab aliqua actione ponenda, et cognoscit talem sui cohibitionem futuram sibi frustaneam vel etiam noxiā, si pro hypothesis non existentiae metus retineret voluntatem oppositum faciendi, is rationabiliter cupiens agere hanc etiam conditionatam voluntatis dispositiōnem procul amandabit, quamvis ex metu tantum, velut immedia-to motivo, operetur.

(3) Id quod dicimus verum esse inde quoque colligitur quod si metus quamvis ab extrinseco juste tamen fuerit incussus, e. g.